

籌辦夷務始末

籌辦夷務始末卷之七十七

同治九年庚午九月乙丑

諭刑部。已革天津府知府張光藻。已革天津縣知縣劉傑。現由曾國藩派員解送。於八月二十八日起程來京。該革員等到部後。應得罪名。著該部速議具奏。

戊辰。江西巡撫劉坤一奏。臣承准軍機大臣字寄。同治九年八月初三日奉

上諭。現在津事未結。長江防範事宜。最關緊要等因。欽此。又於八月初五日奉

上諭。劉坤一奏籌議防務情形一摺。江防仍應實力籌辦。以壯聲

援等因。欽此。伏查長江綿延數千里。雖節節有險可扼。而要以江蘇為門戶。上游各省。自應并力一心。共籌捍禦。臣與前督臣馬新貽。安徽撫臣英翰。往返密商。彼此所見相符。業於前摺陳明在案。惟江西一省。綠營僅萬餘人。塘汛實居其半。又以各省協餉過多。本省不得不裁兵節費。所留水陸防勇。合計僅五千餘人。臣現會督各營鎮將。分別整頓。冬間可以一律就緒。目下萬一長江告警。尚有湖口鎮所轄之湖口。饒州。吳城。三營水師。悉聽兩江總督。長江提督調赴下游助剿。臣先將內河江軍。賴防三軍水師酌抽數成。分布湖口一帶。以資接替。並先抽調陸路兵勇三四千。

人會合九江鎮所練之兵。分布沿江一帶。與湖口水陸互相聯絡。即與蘇皖遙為聲援。仍俟冬閒一律整齊。再行相機進止。如蘇皖以防務喫重。需餉甚殷。江西無論如何拮据。如何挹注。自當督同藩司。先其所急。極力接濟。以期顧全時局。仰慰

宸廑。臣前屬廣饒九南道景福。及九江鎮總兵黃開榜。湖口鎮總兵丁義方。候長江水師提臣黃翼升。由鄂過潯。邀同面籌方略。適聞馬新貽之變。黃翼升遂駛回金陵。不及詳細商酌。昨准咨調各鎮水師。計已與兼署督臣魁玉。妥為部署矣。至洋人陰陽狡獪之奸。前事已有明鑒。臣因聞英美各

國兵船相繼北上。深虞其故智復萌。如肯就我範圍。則代
交自為制敵上策。臣謬膺疆寄。惟有恪遵

廟謨。所有一切籌防。與各督撫密商妥辦。不敢稍形疏懈。亦不敢
稍涉張皇。以副

朝廷保固疆圉。撫馭遠人之至意。

己巳。

諭軍機大臣等。前據曾國藩奏。已革天津府縣。已於八月二十八
日押解起程。至今尚未到部。聞該革員等現抵通州。張光藻因
病未能前進。著萬青藜。王榕吉。即行派員前赴通州。將張光藻。
劉傑。刻即解送刑部。不准藉病遲延。

庚午○成都將軍崇實奏○竊 奏 欽奉

上諭○飭令帶印馳赴貴州○會同曾璧光秉公籌商○將遵義民教滋事之案○趕緊完結等因○欽此○曾將訪查籌辦情形○暨帶印出省日期○先後馳奏在案○途次准貴州撫臣曾璧光咨稱○黔省新舊九案○業由該撫督飭李鴻章原派之道員余思樞會同司道等○全行議結○鈔送奏案單前來○查閱附片內稱○設堂行教諸事○尚須設法辦理○已諭令余思樞會同在籍道員蹇閏及 李原派之楊蔭棠等○在遵會商妥辦○分稟 李會敷等由○伏查 李前奏暫駐重慶○先將遵郡紳民妥為開導○再相機前進○今曾璧光既將各案督飭議結會奏○ 李止

須專辦開導導民。容其設堂行教一事。教士一邊。才未便再行干預。恐其另生枝節。一面馳赴渝城。一面飛飭余思樞。蹇閑等會商妥辦。惟遵郡當兵燹之後。民氣素強。若不體察情形。趕為設法勸導。容其重建教堂。則教民仍得有所藉口。終屬結而未結。又慮散處四鄉之愚民。難以徧諭。周知。復由才揀選籍隸貴州在川僑寓之紳耆。密飭分赴前赴。暗中排解。副據余思樞蹇閑等登次稟報。業經會同府縣先後傳集城鄉紳團。詳加開導。大致皆已遵照。復將才所發該道等轉稟士民公遞呈詞批諭。反覆曉諭。無不成如大義。同聲感激。容其重建教堂。不至再有異詞等情。

李明查暗訪川黔過往人士。會稱遵民經塞間極力開導。均能仰體。

朝廷一視同仁德意毫無異言。以後地方官如能遵照條約。隨時隨事。持平妥辦。便可永遠相安。惟據余思樞等稟稱。尚須俟黔省教士到遵。面定條規各項。而教士遲久並無出省日期。查此係地方官應辦之事。況案已議結。李未便因此久候。仍應由貴州撫臣督飭原辦議結之道員余思樞。會同遵義府縣等。妥籌辦理。以善其後。至於遵郡士民一邊。仍由李責成塞間等。始終其事。統俟全案善後完竣。一面稟知。一面徑稟撫臣歸案彙辦。免致歧誤。李拜摺。

後即起程回省合併陳明。

總理各國事務恭親王等奏竊查貴州民教滋事各案日久未結前經臣等請

旨添派成都將軍崇實馳往查辦本年七月十四日接據貴州巡撫曾璧光信云及咨奏各案件內開黔省積年教案九起均一一清結旋於十五日欽奉

諭旨此時遵義教案已結尚有設堂行教事務亦須逐一清理崇實應否赴遵義之處著即酌量情形以定行止欽此當恭錄諭旨鈔錄原奏暨結案清單各一件照會法國使臣羅淑亞在案項於九月初三日據羅淑亞照會內開轉據任教士玉稱

曾巡撫辦結貴州各案。入奏之後。並無會同甘結。且臚列
遵義等處教案。亦未設法辦理。及所述委員陳昌運等各
情。必須崇將軍抵黔。方可妥結等語。臣衙門當於初五日
飛布玉咨崇實。曾璧光等。接任教士所開各節。逐一奏明。
並玉覆羅淑亞去後。茲於初六日。接准崇實信玉稱。大致
以貴州之案。曾璧光雖經議結。仍有未盡情理之處。似宜
先從遵民一邊下手。因密派籍隸貴州在川辦捐之陝西
同知張宏積。前往開導紳民。容其重建教堂。使民教各釋
前嫌。此外未盡事宜。仍由曾璧光一手經理。即於拜摺覆
命後。起程回省等因前來。臣等查向來各省辦理中外交涉事件。

必須民教兩面就緒方可擬結。今據崇實呈述前因。是此案雖經入奏。而無所以完案實據。仍屬結而不結。僕再遲延逾日。不思設法辦妥。必至另生枝節。將來更為棘手。臣等伏思崇實久為洋人所信服。且於黔省教案尤為熟習。

擬請

旨飭令原派成都將軍崇實仍遵前此

諭旨。迅赴遵義會同曾壁光督飭同知張宏積等會同道員余思樞及地方官持平籌辦。妥速了結。

諭軍機大臣等崇實奏遵義教案辦理就緒總理各國事務衙門奏貴州教案未結請飭崇實仍赴遵義籌辦各摺片。前據曾壁

光泰。黔省教案九起。全行議結。並未將如何議結之處。詳細聲敘。此次崇實摺內。所稱設堂行教一事。業經開導就緒。而教士遲久並無出省日期。是民教兩面。尚未切實議結。不得遽謂完案。據法國使臣羅淑亞照會。內開轉據任教士玉稱。貴州各案入奏之後。並無會同甘結。且臚列遵義等處教案。亦未設法辦理等語。可見該教士並未帖服。是否各案本未議妥。含糊了結。抑係該教士之言不實不盡。若不趕緊辦妥。必致另生枝節。仍為不了之局。崇實現已起程回省。著即迅速折回。馳赴遵義。會同曾璧光。督飭余思樞等。妥速籌辦。總須民教兩面各無異詞。實有完案確據。方不至再滋口實。所有此案辦理出力官紳。著

俟全案完結後。准由崇實會同曾璧光。擇尤酌保。總理各國事務衙門摺。著鈔給閱看。

科布多幫辦大臣文碩奏。竊照本年五月二十七日。接據索果克卡倫侍衛勒爾津泰稟稱。有伊犁俄領事龐齡帶同俄人數十名。聲言欲赴科布多有面商公事。請示應否放行。杼因先准總理各國事務衙門來咨。俄國以西疆商團失利。擬派龐齡赴烏里雅蘇台。科布多平靖地方。探訪商情。行令先事密籌。屆時照約辦理。並送改訂陸路通商章程前來。是以批令放行。隨派營弁沿途迎探。行走是否安靜。一面派員照約為備旅館。一面將章程及各約有關

應行事宜。擇錄繕譯通行。各扎薩克遵照。並調各旗曉事之員來城面諭。嗣於六月初三日。差弁回城。面稟該領事。已到城。沿途尚稱安靜。次日該領事來謁。見時值拏抱恙。卽榻款延。至初八日乃能答拜。後又往還約飲。互致土儀。彼此周旋。接晤數次。該領事初言所帶商人行抵卡倫。該侍衛不卽放行。聲稱奉劄不准俄人入境。意欲諉我違約。經拏查明從前實無此案。因取該商執照覆驗。則應填未填之處。不一而足。隨與辯明。是彼不按定章。非該侍衛之過。嗣因行使執券卡倫驗貨。又移體裁。洋錢成色各事。數有辯論。或已就範。或猶待商。然他事諒皆無大爭執。獨於

行使紙茶一節。該領事堅執蒙古地方用茶與錢無異。紙茶是錢不是貨。若不准其行使。商賈便不流通。李則因此節於撫綏外藩頗有關係。與其將來設法防閑。猶恐防不勝防。莫如就此杜絕之為愈。故非萬不得已。不敢輕於遷就。彼復請問李所以不准行使之義。李惟恐占華商地步。及蒙古習俗。向來用貨換貨。茶仍是貨不是錢。土貨止應華商交易。俄商則應專持俄貨通商。兩大旨與之立論。反覆辯難。迄無成說。其餘相商各節。亦多因此未定。直至七月初間。彼言來已一月。看之事總無成。請李為傳臺站。就便赴烏里雅蘇台探探商情。李辭以非約。乃言欲自雇備。

人地生疏。求為幫助。特隨令派辦之章京青山為雇馱脚。於七月初五初十等日。兩起遣行。仍派原差之候補外委李得勝。開道前往。面稟福濟等。即便訪察途次情形。彼現留俄商二名在此試市。除詳細報明總理各國事務衙門外。理合奏

聞。

御批該衙門知道。

壬申。大學士兩江總督曾國藩奏。福建前任臺灣道吳大其。於同治七年。在臺灣任內。因病呈請開缺。回籍調理。八年三月。經沈葆楨奏請起用。奉

旨諭知湖南巡撫劉崑飭令迅速回閩襄理船政。該道病痊。遵旨復出。以八年七月到閩。旋經督解萬年清輪船赴津請驗。本年又經奏派運米赴津驗收。臣查該道學問淵邃。才識闊遠。前因李續宜奏調赴皖。常在臣營。即擬儲為

國家異日之用。後入浙閩。睽隔數年。此次來津。適臣查辦津案。屢與接晤。見其學益精。才益練。議事尤有通識。誠堪勝艱鉅之任。目下沿海防務亟宜籌備。閩滬兩處鐵廠成船漸多。而未嘗議及海上操兵事宜。臣於七月十九日。曾經具奏一次。操兵之法。其要全在船主得人。既為一船之主。第一責善於使船。熟悉掌舵看火等事。而後合船之水手

兵役皆可俯首聽命。第二貴明於海道沙綫。兼善閱看地圖。第三貴嫻於戰陳。能察進退分合機宜。三者兼全。洋人亦不可多得。中國武員中。尤難其選。臣愚以為須求之文員中。得一素諳戎機。講究地圖。兼明洋務。而又不憚風濤者。綜理其事。始則博求將才。採訪可為船主之員。繼則出洋督同操練。稽其勤惰。終則徧詢外國水戰事宜。借師其法。而取其長。乃可日起有功。該道吳大澂熟悉船政。於兵事洋務。講求有素。近年南北往返。屢涉重洋。不畏艱險。又久在浙閩。頗留心可為船主之才。現在上海船廠道員馮燧光等。專講造船及槍礮等事。無暇兼顧操兵。擬請將吳

大廷調至江南。綜理輪船操練事宜。擬具摺資贊助。該道久駐閩廠。閩滬亦可聯絡一氣。於整頓海防。實有裨益。

御批。著照所請。該部知道。

甲戌。刑部奏。軍機處交出同治九年九月初二日奉

旨。已革天津府知府張光藻。已革天津縣知縣劉傑。現由曾國藩派員解送。於八月二十八日起程來京。該革員等到部後。應得罪名。著該部速議具奏。欽此。查此案先於六月二十五日內閣奉

上諭。曾國藩奏。直隸天津府知府張光藻。天津縣知縣劉傑。於辦理民教起釁一案。事前疏於防範。事後又不能迅速獲犯。請將

該二員革職治罪等語。張光藻劉傑均著卽行革職。交刑部治罪。該部知道。欽此。嗣據總理各國事務衙門知照。七月十一日。軍機處交出奉。

上諭。已革天津府知府張光藻。已革天津縣知縣劉傑。前經曾國藩奏明交部治罪。惟該革員等應得之咎。亦應在津取有親供。質訊明確。再行交部覈辦。方昭平允。著錢鼎銘卽行派員將該革員等解往天津。聽候質訊。欽此。經大學士直隸總督曾國藩會同。

欽差大臣工部尚書毛昶熙等將訊取確實供詞。奏請交部覈議。

八月十七日奉

上諭天津府縣所具親供。內有應行覆訊。及與六月二十六日曾國藩奏到查明滋事大概情形摺內情節不符之處。仍著曾國藩迅速覆訊明確。一面將該革員等解交刑部。聽候覈辦。一面將覆訊供詞。據實具奏。欽此。旋據直隸總督曾國藩覆訊明確。鈔錄供詞送部。並派員將已革天津府知府張光藻。已革天津縣知縣劉傑。於九月初六日解送到部。臣等查閱該革員等先後所具親供。內稱緣本年五月初八日。該令劉傑。率獲逆拐幼孩匪犯張揆。郭拐二名。提訊供認。用藥迷拐人口不諱。十二日。該府張光藻。由滄州公同督同該縣覆訊確鑿。遵照同治三年通飭章程。將張揆郭拐就地正

法。一面通稟在案。二十日。該縣拏獲匪犯武蘭珍。據供用藥迷拐屬實。並稱被教民王三迷入教堂。許給洋銀。授伊迷藥。指令迷拐男女。畫出迷人。夜宿柵欄門。席棚內等語。劉傑錄供送府時。因百姓訛傳法國仁慈堂埋葬幼孩。多有一棺三兩屍者。武蘭珍供詞。又復牽涉教堂。於是百姓皆疑迷拐人口。係教堂所為。紛紛騰議。劉傑面稟張光蔭。以拐匪藉教堂為護符。必須查明虛實。庶釋羣疑。當經會稟通商大臣崇厚。飭令天津道周家勳。與劉傑往見法國領事官豐大業。商請赴教堂查勘。二十二日。該大臣復與教士謝福音商明。令該道帶同府縣於二十三日已刻押

帶人犯武蘭珍前往查驗堂內房棚與武蘭珍供情不符亦無王三其人該府縣出堂時見眾人擁擠門外觀者劉傑將所查情形向眾人面諭均各散去稟經該大臣令出示曉諭以釋民疑該府縣等回署遵辦聞是日未刻適有閒人在教堂門前窺看與教堂人口角百姓因此復聚謝福音遣人赴訴該大臣飭令劉傑並派巡捕前往彈壓疊大業將巡捕官毆打跑回隨帶跟丁各持槍刃同赴通商衙門滋鬧劉傑聞信立即前往但聞人聲鼎沸紛傳洋人在商署向該大臣開放洋槍百姓均為不平愈聚愈眾劉傑趕到向眾民彈壓加以開導眾民亦覺畏懼正欲解散

適該領事豐大業由商署走出。瞥見劉傑。卽對面施放洋槍。劉傑躲避。致將家人高升中傷。眾人忿激。將豐大業羣毆斃命。張光藻先聞鐃聲甚鬧。遣人打探。羣言豐大業在商署開放洋槍。當卽飛奔前往。行至浮橋。聞豐大業已死。教堂四面火起。倉惶失措。未能先赴救護。卽往該大臣署內商辦。劉傑見禍變已作。一面趕赴東門外救護仁慈堂。與大沽協副將張秉鐸疾趨行至中途。望見仁慈堂等處火起。諭令火會速行救滅。火勢已大。竭力救護。業已無及。稟經該大臣飭令驗明豐大業並被殺之謝福音等各屍傷。備棺裝殮。會同文武各官分投各國洋行住房處所彈

壓保護。眾始逐漸解散。該革員等非特供無主使。故縱情事。其何人動手逞兇。及何人首先鳴鑼。亦不能確鑿指出。至未經趕緊緝兇。亦因爾時人心洶洶。恐致激變。雖訪有劉二等名。未敢遽然妄挈。惟自認臨時不能彈壓阻止。事後未能迅速緝獲要犯。實屬有負委任。答無可辭。各等供。經直隸總督與

欽差大臣等。恐尚有不實不盡。先後反覆研訊。並按照總理衙門函訊各條。詳加駁詰。該革員等逐款登覆。供俱無異。提訊跟役地方人等。所供均屬脗合。當將訊明各供情。逐條繕寫。彙冊進呈。會同奏明。此案雖由謠言肇釁。而百姓之聚

眾滋事。實緣豐大業之對官放槍。倉猝致變。未經放槍以前。該領事怒責巡捕。趨赴商署。持械出入。百姓並皆讓路。任令行走。初無傷害之心。若使豐大業不兩次放槍。必可安然無事。迨至滋事以後。眾人洶洶。已成不可禁遏之勢。該府縣等雖亦不無可原。惟地方釀成如此大變。邊釁幾從此開。自非尋常因案被議者可比。請

旨飭部覈議。並將該革員等供情。與原奏不符之處。遵

旨更正等因。欽奉

諭旨。著。臣部將革員等應得罪名。速議具奏。當即遴派司員。於該革員等到部後。飭令呈遞親供。覈與原訊供詞。均屬符合。

臣等查此案業據該督查訊明確。思慮如繪。自屬實在情形。其時變起倉猝。眾勢洶湧。不逞之徒。因之乘機焚殺。致英法等國多人。均遭慘斃。該府縣實有不能禁遏之勢。臣部例內。祇有刁民滋事。地方文職不能彈壓撫恤革職之語。此外徧查律例。並無另有作何治罪明文。惟查職官因辦理不善。釀成地方重大案件。曾有於革職罪上。從重發往軍臺效力成案。名例內又載有審擬罪名。悉照本條律例問擬。不得從重加等及加數等。擅擬改發新疆等處。或實在案情重大。罪浮於法。於疏內聲明。恭候

聖裁等語。今該府縣責任地方。於百姓聚眾滋事。未能先事豫防。

迨禍變猝起。又不速行設法彈壓救護。致匪徒乘機焚殺。
戕斃二十餘命之多。事後又不能迅速緝獲正兇。幾至釀
成巨變。較刁民僅止聚眾滋事。並未致釀多命者。情節為
重。自非尋常因案被議可比。臣等公同酌議。應將已革天
津府知府張光藻。已革天津縣知縣劉傑。均於革職罪上
請

旨發往軍臺效力贖罪。如因案情重大。未便拘泥常例。應如何從
重改發之處。謹於摺內照例聲明。恭候

聖裁。

諭內閣。前因天津府知府張光藻。天津縣知縣劉傑。於民教起釁

一案。事前疏於防範。事後又不能迅速獲犯。當經降旨革職。交刑部治罪。嗣經曾國藩等取具親供。並將該革員等押解到部。茲據刑部奏請按照刁民滋事。地方文職不能彈壓。撫恤革職例上。從重擬以發往軍臺效力。並以案情重大。應如何從重改發之處。請旨等語。該府縣責任地方。乃於津民聚眾滋事。不能設法防範。致匪徒乘機焚殺。戕害多命。又未將兇犯趕緊拏獲。情節較重。且該革員等於奉旨交治罪後。張光藻竟敢私往順德。劉傑亦私往密雲。任意逗遛。尤屬藐玩。張光藻劉傑均著從重發往黑龍江效力贖罪。以示懲警。至津民因懷疑激忿。不遵地方官彈壓。輒敢逞兇殺害至二十餘命之多。且將其仁

慈堂內貞女慘殺。尤為兇殘。現經曾國藩等拏獲滋事人犯。審明分別情節輕重。將馮腐子等十五犯。擬以正法。小錐王五等二十一犯。擬以軍流。既屬情真罪當。即著照所擬。將馮腐子等即行處決。小錐王五等。分別發配安置。經此次嚴辦之後。各直省地方官。務當曉諭居民。安分守法。毋任再滋事端。遇有中外交涉事件。並須按照條約。持平妥辦。總期中外商民。彼此相安。以靖地方。

諭軍機大臣等。前據曾國藩等奏。天津案內應行正法各犯。當諭令侯刑部議奏。張光藻等罪名時。再降諭旨。本日刑部奏。遵議張光藻等罪名一摺。已明降諭旨。將該革員等從重改發黑龍

江○其應行正法之犯○照曾國藩等所擬○即行正法○軍流各犯○並照所擬辦理○此案大致現已就緒○所有應訊人犯○著曾國藩等迅速訊明○持平辦理○妥為了結○一面遣派幹員○於天津地方彈壓撫循○毋令莠民乘機煽惑○聚眾滋事○別釀釁端○

丙子○禮部奏○同治九年九月初五日○准吉林將軍富明阿等咨稱○所有朝鮮民人潛投俄界一案○准禮部鈔錄該國王原文○及本部原奏○鈔單咨行前來○當經本衙門劉飭彈春協領訥穆錦○即將前情務須親往該兩國處所○會見朝鮮邊界官○並俄國廓米薩爾○而為開導○隨機區畫○俄國如何驅逐○朝鮮如何領取○妥籌定擬○據實具報等因○去後○茲

據該協領訥穆錦履稱連卽帶兵會見朝鮮慶源府邊界
官。著伊領取被俄國招留該國男婦子女等。據該國邊界
官飭通事答說。被俄國招去該國男婦子女。伊國如若領
取。俄國尚且不准。再並非慶源府一處之人。又兼未奉該
國王之旨。邇際實不敢承領等語。職帶兵卽赴庫間歲面
晤廓米薩爾。將前文逐回領取各情。逐一剖辯。廓米薩爾
飭通事答說。該國所招朝鮮男婦子女。伊奉該國東志畢
爾總督劄飭俱載往綏芬等處。飭令耕作。扣抵所需糜費。
再伊國住京公使。將此情已經達知朝鮮國王。嗣後不關
你們彈奏之事等語。職復向伊曲為開導。該廓米薩爾始

終不能交回。是以帶兵旋回。密留雲騎尉吉爾洪。阿在摩
闊歲訪查俄人將朝鮮男婦子女。載往何處。旋據吉爾洪
阿回稱。俱載往綏芬等處去訖等情。應咨部查覈辦理等
語。到部。臣等查同治八年十一月初三日。准吉林將軍富
明阿等咨稱。朝鮮國男婦子女。給投俄界。除咨甯古塔副
都統轉飭協領訥穆錦。刻即親赴摩闊歲。會同該國廓米
薩爾。務將朝鮮逃越男婦子女。共念和好。悉數逐回外。應
咨禮部轉行朝鮮國王。即將該國逃越之男婦子女一千
餘人。飭令邊界官悉數領回。各安本業等因。當經臣部據
咨轉奏。奉

上諭。著禮部迅卽行文該國王。將逃赴俄界民人悉數領回。並由該國王申明禁令。嚴飭該國沿邊官弁。約束民人。毋許再有逃越。以重邊防。並著富明阿飭令訥穆錦。會商俄國廓米薩爾格將朝鮮越界民人悉行逐回。不得久留俄界。以致另生枝節等

因。欽此。臣部遵於十一月初八日恭錄知照朝鮮國王。吉林將軍。暨總理各國事務衙門。遵照辦理在案。嗣於同治九年二月十四日。准朝鮮國王咨稱。恪遵

聖旨。謹當申飭邊官。恭候俄界逐回民人一一領取。再申達集等情。咨請轉奏前來。復經臣部據咨轉奏。奉

旨。知道了。欽此。臣部遵於二月二十五日恭錄行知朝鮮國王。吉

林將軍及總理各國事務衙門查照亦在案。今該將軍咨稱。據朝鮮慶源府邊界官稱。並未奉國王之旨。不敢承領。是與朝鮮國王前次咨文。自相矛盾。自應由臣部再行知照。該國王恪遵上年

諭旨辦理。惟此項逃越俄界難民。必俄人情願交出。方能責令朝鮮領取。今據該將軍稱。俄國所留逃越難民。已聲言載往綏芬各處耕作。扣抵糜費等語。是俄人並無交出之意。此時若遽由臣部行知。該國王責令領取。恐有窒礙難行之處。臣等公同商酌。所有朝鮮逃越俄界難民。擬請

旨飭下總理各國事務衙門。將可否轉令俄人盡數送回之處。按

度情形。斟酌辦理。再由臣部酌量行知。朝鮮國王連照。庶免空文往返。而益足見

朝廷字小之仁矣。

御批該衙門知道。

戊寅大學士調補兩江總督。曾國藩協辦大學士。直隸總督李鴻章署三口通商大臣。大理寺卿成林奏竊。臣等前於八月二十三日。將津郡滋事案內首從各犯。分別定擬具奏。並將供證未確。在逃未獲之犯。附列清單進呈。奉
上諭。情節較重。供證未確之犯等因。欽此。兩旬以來。嚴飭地方文武各員。續行訪拏。晝夜研訊。又獲應正法者五人。應辦軍

徒者四人。除將各犯供詞。鈔咨總理衙門及刑部備查外。
謹開列清單。續呈。

御覽。此次審明各犯。皆係續行緝獲。不在前次附開兩單之內。其
前單供證未確者。除何四現已治罪外。其餘再四訊鞫。迄
無定供。亦無的確證據。礙難定罪。應即隨時釋放。前單在逃未
獲者。除楊二現已拏辦外。其餘購緝密拏。迄未緝獲。其中
尤要之犯。應俟緝獲至日。另行奏結。此案事起倉卒。並無
豫先糾集之人。其後殺人放火。萬眾喧雜。亦非百姓始意
所能料。今中國力全鄰好。先後兩次。共得正法之犯二十
人。軍徒各犯二十五人。辦理不為不重。不惟足對法國。亦

堪偏告諸邦。昨准總理衙門鈔錄羅使信玉。移咨到臣。內稱派德繙譯官前赴天津。出具切結。並確查燒毀房屋。被搶物件。以便議償等語。該繙譯項已抵津。俟查明回京。當可議定賠償確數。拏兇一節。最為難辦。此事就緒。則其餘各節。皆可次第定議。惟查拏兇手。雖係首先應辦之事。而處決人犯。究為最後完案之著。臣等先後定擬應行正法之犯。應請

飭下總理衙門。俟修堂賠銀諸事議結之後。知照臣等酌定行刑日期。奏明辦理。免致處決之後。事猶未了。民氣既已大傷。和局仍多不協。不能不總總過慮也。所有臣等訊結天津

業內第二批人犯分別定擬緣由。謹合詞繕摺由驛具陳。諭軍機大臣等。曾國藩等奏。續訊天津案內第二批人犯分別定擬一摺。此次續鞫各犯。既據曾國藩等單開訊明情節輕重。著照該督等所擬。將劉二等五犯即行正法。鄧老等四犯分別發配安置。曾國藩等接奉此旨後。所有先後定擬正法之犯二十人。軍徒各犯二十五人。即行分別辦理。庶可迅速完案。羅淑亞派繙譯官德微理亞。前赴天津。出具切結。並確查燒毀房屋。被搶物件。以便議償。曾國藩等本係特簡查辦津案之員。此時該繙譯業已抵津。修堂撫恤諸事。在津易於定議。即著該督等將商德微理亞妥善辦理。迅速具奏。至所拏兇手。前已明降諭旨。

著將馮廣子等即行處決。茲據奏稱。俟總理各國事務衙門議結後。知照該督等酌定行刑日期等語。與前降諭旨兩歧。議抵一節。為此案緊要關鍵。若遲遲不辦。其餘各節。勢難定議。且洋人因此藉口。轉致另生枝節。更形棘手。曾國藩等即慄遵此旨辦理。毋再稽延。

己卯。工部尚書毛昶熙奏。竊以天津地方。在京師肘腋之間。華洋雜處。易滋事端。一或不靖。所關匪細。防守撫綏。不可偏廢。近年添設三口通商大臣。駐紮其地。專辦洋務。兼督海防。立法之意。至為周密。惟中外交涉事件。均須地方官相助為理。而鎮道府縣。皆非所屬。該大臣有綏靖地方

之責。無統轄文武之權。僅或各存意見。不聽指麾。必須至商督臣於數百里之外。事機變幻。祇在頃刻。書牘往還。動需時日。緩不濟急。貽誤必多。至該處海防。尤關緊要。向係會同直隸總督提督籌辦。數年以來。漸失本意。督提二臣。以相去較遠。遂諉為通商大臣專責。不復肯蹈撓越之嫌。然權以相讓而益猜。事以相待而交廢。地方文武員弁。陰違陽奉。貌合神離。其庸懦者以予奪之權不屬。既欲遂其因循延玩之私。其巧滑者以經撫之勢不侔。復潛用其觀望迎合之術。指臂無助。呼應不靈。一旦有急。舉厯年糜餉巨萬之兵。不惟不足備干城。甚至不足資彈壓。海防尚可

問哉。本年五月二十三日之案。雖事起倉卒。本非意料所及。然其時南北謠言。同時並起。乃南洋皆漸臻安謐。北洋遂倏起波瀾。推原其故。未必不由於此。今幸仰賴

皇太后

皇上福威。辦理已有頭緒。然不至思變計。恐已開之釁。可以漸消。而未萌之患。難以盡弭。此不可不熟慮者也。夫謀事貴廣。諮詢則寡不若眾。任人宜防牽制。則分不如專。查三口通商事務。不及五口之多。而五口專歸兩江督臣總辦。十年以來。著有成效。臣愚以為三口通商。亦不必專設大員。所有洋務海防。均宜責成直隸總督。悉心經理。並仿照五口

通商大臣之例。

特頒給

欽差大臣關防。以昭信守。其新鈔兩關稅務較繁。可否添設海關道一員。專司其事。並管理尋常華洋交涉事件。遇有疑難大事。仍稟請督臣指示。妥為遵辦。至三口通商衙署。即可作為督臣行館。由督臣酌量緩急。有事則暫駐津郡。無事則仍回省城。從前兩江督臣兼辦河漕。常有暫駐江北之時。此亦可仿照辦理者也。抑臣更有請者。中外之和局。無永久可恃之理。海疆之武備。卽無朝夕可疏之防。今日要務。正宜及

國家閒暇之時。為未雨綢繆之計。現任督臣李鴻章。威望夙著。昔在江南。曾能驅策洋將。使為我用。知己知彼。成竹在胸。若令久駐天津。自可統籌防務。豫為布置。以收銷患未萌之效。臣又聞天下有必勝之將。無必勝之兵。故練兵之要。在於選將。尤在於蓄將。督臣久統重兵。儲材必廣。尤宜令招致舊部得力將弁。將海防兵勇。逐一整頓。其營哨各官。未經戰陣。不諳戎機者。悉予更換。必能轉移風氣。盡成勁旅。臣又查近年各國兵船。每至天津。皆徑抵紫竹林。是海口險要。已不足恃。則津通之間。必宜厚集兵力。以固根本。應將現紮滄州之銘軍各營。分駐楊村河西務王慶坨。

等處。並相度地勢。擇其扼要處所。修築礮臺。以資保衛。而嚴門戶。且京東各州縣。地勢窪下。夏秋之間。每有水患。更宜慎選良吏。講求水利。多開陂塘。顯以備宣洩之宜。卽隨以限戎馬之足。如此則水陸並防。自可有備無患矣。以上數條。皆據臣管見所及。披瀝上陳。可否請

旨飭下督臣一併密籌妥辦。庶於畿疆全局不無裨益。

諭總理各國事務衙門。毛昶熙奏敬陳管見一摺。著該衙門議奏。

辛巳大學士兩江總督曾國藩奏。臣等前次奏結第一批人犯。其有證無供者。查照眾證確鑿。卽同獄成之例。本係變通辦法。事後密訪前單所開無供之犯。均尚不為誤入。

惟穆已一名。雖亦素非安分之徒。而此次滋事。實未在场。民人高秋田等指證為砍傷富昌行洋人之犯。查明係屬虛誣。其祖母穆李氏具呈天津道衙門。力訴冤屈。求為申理。其後續獲范永一犯。係前次單開在逃未獲之人。訪查該犯實為放火燒房正兇。曾經函告總理衙門。現由大名緝獲到案。供認殺人。不諱。雖未認放火一節。而面有轟傷之痕。共見共聞。查覈供情。應予正法。惟先後奏定正法之犯。共得二十人。辦理已不為少。不必再求增加。而第一批正從各犯三十六人。他家皆不訴冤。獨穆已之祖母訴冤。查訪亦無行兇實據。且等熱商。尚可更正。應請

旨將第一批內有證無供之夥已准予開釋。另將續獲供證確鑿之范永輝業正法。以示慎重人命之意。謹將夥已親屬呈詞及范永輝單鈔送總理衙門。刑部。以備查考。一俟此次奉到

諭旨。即日知照外國領事官。將前後兩批正兇二十人處決。以期迅速結案。所有續獲范永輝換釋夥已緣由。理合會同新任直隸總督臣李鴻章。三口通商大臣臣成林。由驛馳奏。諭軍機大臣等。曾國藩奏續獲正犯范永輝。即換釋夥已。覽奏已悉。夥已一犯。證佐既未的確。何以前奏遽擬死罪。著即日釋放。以重人命。其續獲之范永輝。既屬供證確鑿。為放火燒房正兇。著

照該督等所請。歸案正法。曾國藩接奉此旨。即著將應辦各事宜。俾遵九月十五日諭旨。迅速辦理。毋再稽遲。曾國藩即著來京。陛見。該督已身後。李鴻章著仍駐天津。勿遽回省。務將彈壓撫綏各事宜。妥為籌辦。俟津郡中外諸事大定。再行請旨。主事陳蘭彬著准由曾國藩帶往江南差遣委用。

署三口通商大臣大理寺卿成林奏。竊。於九月初三日。接據江蘇蘇松太道涂宗瀛稟稱。據日本國總譯官蔡祐良。橋正宏等。持長崎縣來書。以該國差官柳原前光等。均已到滬。定期相見。該道隨即與該國差官晤會。據稱此次赴京。係為投遞總理各國事務衙門信件等情。即於初五

日據津海關委員連興等稟稱。日本國差官柳原前光等五員。僕從八名。乘搭美國輪船。由上海到津。寄居旗昌洋行。並據該差官等投遞公文。欲與李會晤。經李照覆。約於初七日在李署中見面。是日柳原前光花房義賢鄭永寶尾理政道名倉信敦五員名來署。與李接晤。該差官等禮貌恭順。言詞馴謹。並聲稱奉伊國外務卿之命。齎送總理各國事務衙門信件。將函呈出。李未便拆閱。詢其信中何語。據覆商議通信事宜。以為他日定條約之地。當經李告以從前泰西各國入華定約。均係在津守候。先由通商大臣呈報總理衙門。奉到示覆。始能議辦一切。該差官等

詞婉意堅。總以赴京為榮。且計由津至京甚近。不敢以親
投之件。假手於人。意在必行。似恐。李故為阻止。允即至請
總理衙門示覆。李即於次日。率同海關委員連興等。赴該
差官等寓所答拜。先飭連興等。將泰西各國歷次來津訂
約成案。一一指陳。詳明告諭。復經。李開誠布公。剴切曉諭。
並稱。揚彼國久有修好之意。爾等此次前來。雖屬通信議
約。正為爾國自謀之計。何得堅執己見。故違中國向章。况
通商大臣議約。是專責。若舍通商大臣。不向與議。越次進
京投謁總理衙門王大臣。勢必拒見。與其徒勞往返。曷若
代為呈遞。該差官等聞。李詳晰開導。其入京之意。始即中

止。復經。李將接准總理衙門來玉。備文照會該差官去後。
旋據該差官等備具照覆。以深悉前事。與歷次辦過成案
不符。即據李相告之言為憑。將所廢伊國書函求為轉遞。
在津守候回文等情前來。李查該差官等既知遵照向章。
不復堅執進京。是其已知理法。當經李備文將日本國差
官所遞書玉。派弁齎赴總理衙門呈交。俟接准回文。作何
辦理之處。再行遵照。茲辦理合會同協辦大學士直隸總
督臣李鴻章具奏。

御批。該衙門知道。

甲申。協辦大學士直隸總督李鴻章奏。八月二十二日。接

准庫克吉泰咨稱。部撥銀十萬兩。於八月十一日解熱。該官兵所需俸賞行裝等銀。遵於部定一半之半減放。約計在五萬兩之譜。無論何時餉調起程。即照章約發。自應先由部撥銀內。豫行扣出存儲。以備臨時應用。下餘五萬兩。該官兵分起到口。應以駐紮之日起。按起後發口糧。以三盟吉黑各官兵統計。一箇月約需銀四萬兩。現計餘銀不敷兩箇月之用。卓索圖盟頭二起官兵四百餘名。已於八月初十十一等日到承德。其餘尚無定期。若俟一律到口。數明細數。再行咨請籌議。恐有待餉之虞。先行咨明。應由何項籌撥。裁酌會奏等因。在案。曾國藩未及敷辦。移交到

臣○伏查此項馬隊官兵○調紮古北口○原為豫備不虞○現在
津案已有就緒○瞬屆冬令河凍○洋船不至滋事○而邊外回
匪○更無竄越○酌度時勢○古北口一帶○似不必駐紮重兵○且
餉需繁鉅○直省瘠苦○無款可籌○若俟各隊一律到口○展轉
撥解○誠恐貽誤軍食○辦理殊多掣肘○卓索圖盟馬隊○雖已
全數到防○其餘蒙古各起○及吉林黑龍江官兵○未知已否
起程○行抵何處○擬請

旨飭令撤回歸牧○以節軍勞○而省餉款○僅必須酌留備用○或於已
到馬隊內○暫行挑留精銳若干名○其未到各起○仍折回歸
伍○應需月餉○俟前撥十萬兩支發告竣○請由戶部籌款接

濟○並

飭庫克吉泰遵照數實妥辦○

諭軍機大臣等○前據伯彥訥謨祜奏請調馬隊以備不虞○當諭理藩院傳知東三盟各調馬隊一千名○並調吉林黑龍江馬隊均赴古北口一帶駐紮○茲據李鴻章奏稱○酌度時勢○古北口一帶○不必駐紮重兵○擬請撤回以節餉需等語○此項馬隊全數到口○籌撥餉項甚鉅○現既酌度情形○毋須兵力○即著照李鴻章所請○所有前調東三盟馬隊著全數撤回○並著理藩院傳知該盟蒙古王公迅將各隊撤回遊牧○仍隨時操練○以備徵調○其吉林黑龍江馬隊共三千名○據富明阿○毓福○德善○先後奏報起程○因思

神機營每年本有調撥該處官兵更換操防之事。此項官兵是
否可以就近調換。著神機營王大臣酌議具奏。該官兵已否全
抵古北口。著李鴻章庫克吉泰飭令暫行駐紮。聽候諭旨。應需
餉項。仍著庫克吉泰覈實支放。

乙酉。成都將軍崇實奏。竊。前在重慶。曾將會勸遵義設
堂行教。士民並無異詞。緣由恭摺馳奏在案。拜發後起程
回省。這次接據道員余思樞奏聞。會同委員楊蔭雲。冉瑞
桐。及遵義府縣等稟。據城鄉紳耆呈稱。設堂行教兩事。業
已不敢抗違。惟從前入教匪人。恃教為符。抗官藐法。甚至
串同黨役。劣團。遇事把持。搢詐。目前雖無異言。但恐仍蹈

前轍。入啓爭端等情。經該道等會議民間善後章程十二條。復會楊蔭堂暨督密派之該處紳士等。分赴各鄉妥為勸諭。城鄉士民。見新定章程後。均皆悅服。自願出具聽從設堂行教彼此相安甘結繳案。惟此案肇釁之初。係由教民楊希伯。與遵義縣已革書吏楊樹勳。挾嫌滋事。激成眾怒。以致匪徒傳有沅乘勢率眾擄掠。釀成巨案。未便稍事姑容。由該道等訊取供詞。除傳有沅一犯業於去歲經寨間會同黔省委員候補道陳昌運。擊獲正法外。請將為首滋事之楊希伯。擬發極邊煙瘴充軍。楊樹勳。擬以杖一百流二千里。又續查附和之段屏山。陳恩否。均照不應重律。

分別枷責發落。隨將章程甘結供詞稟齋前來。才遂加查覈。所議條規。專為豫杜差役圍首舞弊起見。於教士並無牽礙。該道等就地方聲譽之故。為因時制宜之圖。立法挽回。以期民教一體相安。籌畫洵屬妥協。足以仰慰

聖鑒。案由才照咨貴州撫臣曾璧老。責成地方官遵照辦理。並將章程刊刻。會同協辦大學士兩湖督臣李鴻章暨才聯銜出示曉諭。至楊希伯等肇端釀釁。均屬罪有應得。第教案既經撫臣議結。自應仍由黔省歸案擬辦。除將甘結章程供詞咨送總理衙門備查外。所有議結遵義教案。民間善後緣由。理合恭摺覆奏。

諭軍機大臣等。前據總理各國事務衙門奏。貴州教案未結。當諭崇實折回遵義善辦。總須民教兩面各無異詞。實有完案確據。方不至再滋口實。茲據崇實奏。議結遵義教案。新定善後章程十二條。士民均皆悅服。自願出具聽從設堂行教彼此相安甘結等語。惟所稱出具甘結。僅係中國士民。至教士是否帖服。曾否會同出具甘結。未據崇實奏及。雖稱所議條規。於教士並無牽礙。終屬一面之詞。著崇實懷遵前旨。迅將民教兩面切實議結。如該教士尚未帖服。出具甘結。不得遽謂完案。仍須折回遵義。趕緊妥辦。以免另生枝節。其楊希伯等應得罪名。卽著如照曾璧光。歸案定擬具奏。

丁亥○前任科布多參贊大臣奎昌奏○於七月初八日據
遠出偵探賊蹤弁兵稟稱○俄國已立牌博○要隘地方○均有
重兵扼拒○是以賊氛較遠等情○於當即帶領辦理文案界
務主事職銜明魁○卡倫侍衛祥陞○布倫托海效力當差原
任塔城駝馬處章京巴彥圖○以及旗綠弁兵○會同俄官穆
魯木策博○往查塔爾巴哈台山嶺等處○俄國已立牌博○於
十一日自察汗鄂博起○十六日至哈巴爾蘇山嶺○俄國已
立牌博六處○於帶領司員等○照依三年會定原圖詳細覈
查○均在原議分界誌約山嶺綫道之外○毫無侵佔情弊○於
當即亦飭令弁兵等○在該俄國已立牌博之左側○建立牌

博。所有在此居住之哈薩克人眾。亦按新建牌博界址。隨地各歸各國。毫無爭論。統計自塔城瑪呢圖起。至哈巴爾蘇山嶺止。共立牌博十處。蒙與俄國立界大臣穆魯木策博。按照同治三年原定圖約。會同建立牌博名目起止處所。以及塔城木克復以前。兩國暫停派員會查牌博。各寫誌約四分。鈐印畫押。於十六日互換為憑。二十二日。返回吉布乃地方。二十三日。俄官穆魯木策博。攜帶新繪地圖來營。兩國立界大臣。各於圖上鈐印畫押。註寫牌博地名。蒙分取一張與俄官。始將界務辦理完竣。於八月初一日。由吉布乃地方啟程旋回。除將與俄官會繪地圖存收科。

布多查照外。謹畫寫地圖。清漢合璧。誌約。及俄字誌約。分呈軍機處。總理各國事務衙門。理藩院備查。至安設卡倫各事宜。統俟克復塔城後。再行斟酌辦理。

奎昌又奏。等因。奉

諭旨。會同俄國使臣穆魯木策傳。按照圖約。查勘建立塔城牌博完竣。並約定塔城未克復以前。兩國暫停派員會查。各書誌約。鈐印存照在案。茲於本年九月初二日。等因。由達次扎哈沁所屬博多滾臺站地方。接奉軍機大臣字寄。奉

上諭。分界既定。中外疆域分明。彼此可以相安等因。欽此。竊查邊界雖經勘定。塔城尚未克復。附近地方。別無臺卡隨時

偵察。努再四思維。惟霍伯克賽里之土爾扈特親王車林
拉布坦。扎薩克。拉特那巴扎爾圖布欣。克什克三旗。尚與
塔境新立牌博地方較近。惟有轉飭各該旗。隨時留意偵
察。統俟塔城克復後。設有臺卡。仍照舊章。兩國派員會查
一次。除由。努轉飭該親王扎薩克等。差派妥員。隨時留意
偵察。僮俄人有移占情弊。作速據實咨報。以便據情馳陳。
諭軍機大臣等。金昌泰。查勘塔城界址牌博完竣。並現籌辦理情
形各摺片。俄國與塔城分界處所。建立牌博。現經金昌會同俄
官續行查明。自察汗鄂博起。至哈巴爾蘇山嶺止。共立牌博六
處。連前所立四處。均與同治三年原定條約相符。業已繪圖換

約辦理尚為妥速。惟現在塔城未復。附近地方。別無臺卡。此次立界之後。俄人能否常守條約。不復侵占內地。仍當隨時偵察。以保無虞。即著福濟等按照奎昌所擬。咨會霍伯克賽里之土爾扈特親王車林拉布坦。扎薩克拉特那巴扎爾圖布欣克什克三旗。轉飭各該旗官弁。隨時留心稽查。如俄人因歷時已久。復有侵占情事。即行知會福濟等。隨時與之理論。竭力攔阻。不得因循廢弛。俟塔城克復。仍照舊章。兩國派員會查。以符定制。

總理各國事務恭親王等奏。據江蘇巡撫丁日昌奏。官民過出有因。教務隱憂。方大一摺。同治九年八月二十五日奉

旨。該衙門議奏。欽此。又據調任兩江總督曾國藩密陳傳教情形
一片。八月二十九日奉

旨。曾國藩另片密陳傳教情形。已令總理各國事務衙門妥議等
因。欽此。欽遵先後鈔出到臣衙門。查天津民教滋事一案。
曾國藩于日。曾原奏所陳已革府縣張光藻劉傑。竊議罪
名。暨丁日昌所稱搶殺洋人匪徒。分別情節輕重抵償酌
減各節。業於本月十一日。恭奉

上諭。欽遵辦理。該撫臣以案內罹法各犯。請俟大局議結後。妥密
查訪實情。分別撫卹一層。查殺人者抵律有明條。既殺撫
卹。勸懲兩歧。應毋庸議。至曾國藩片稱。法人之天主教。但

求從教之不多。不問民教之善否。其收人太濫。故秀民居多。教士領事。曲庇教民。遇有民教爭鬪。平民恆屈。教民恆勝。教民勢焰愈橫。平民憤鬱愈甚。鬱極必發。羣思一逞。丁日昌奏稱。天主教本心並非為惡。而傳教士所到之處。不擇良莠。廣收徒眾。一經入教。則陵虐鄉里。欺壓平民。百姓怨毒積中。幾有及爾僧亡之憤等語。皆係實在情形。溯當天主教弛禁。刊入條約之後。即臣衙門辦理交涉事件之初。履霜冰至。早慮其流弊日滋。但從前中國兵力不足。致有換約之事。現既定約於前。勢必不能背約於後。祇有就事防維。冀其勿致太甚。曾於咸豐十一年。將法國使臣給

傳教士諭單。有傳教人以勸善為務。絲毫不得干預別項公私事件等詞。通行各省查照。並於同治元年三月間。奏奉

諭旨。凡交涉教民事件。務須迅速持平辦理。不得意為輕重。以示一視同仁。歷年以來。臣等與各疆吏往返籌商。地方官遇有交涉案件。無不以照約持平。勿聽教士干預詞訟。致令民教相仇為要。無如曉諭雖屬再三。而奉行未盡得力。即如該督撫所稱教士不准干預公事。即係臣衙門咸豐十一年通行各省傳教人不得絲毫干預別項公私事件之意。今督撫復以此為言。是地方官並未照此辦理可知。曾國藩

所稱。就此次議結之時。與各使臣商訂。豫杜後來弊端。及
丁日昌所稱。於修約時。議明教民不准濫收差民干預詞
訟各辦法。臣衙門惟有隨時隨事。仍持前說。苟有一隙可
乘之機。自必悉心籌辦。以期維持一分。即少一分流毒。惟
立法匪難。得人為難。丁日昌所請。

收飭疆吏。凡地方官必須慎選有風骨通時務之員。方能持平辦
事等情。誠為得其要領。大抵各地方官或堅執成例。而未
揆諸時事之宜。則有偏苛教民之失。或顧全大局。而不準
曲直之平。則有偏護教民之失。其甚者並非持正。而以刻
待教民。為易沽令名之具。又其甚者並非顧全大局。而以

徇庇教民。為扶制上司之計。其失愈甚。而釀患益深。各省民教生釐之由。總之不離于此。今為正本清源之策。先盡其在我之端。則平時施措。臨事權衡。全在地方官操縱合宜。剛柔互濟。可否

飭下各省督撫。慎選有司。必風骨森嚴。遇教士非分之求。乃能據理駁斥。必時務通曉。遇照約應辦之事。乃能妥為撫綏。庶中外相信。或可消弭患端。該撫臣丁日昌。幫辦津案。到津未及一月。辦理即有頭緒。原摺聲請與曾國藩一併嚴議之處。曾國藩前請處分。奉

旨寬免。該撫臣應否議處。伏候

聖裁。再條約既為中國所共訂。遇有中外交涉事件。即不能不查照辦理。地方各官。平時必須檢閱。庶臨事方有憑藉。應計飭下各大吏轉飭各地方官。嗣後務須按約辦事。免令洋人藉口。致誤大局。是為至要。

御批。丁日昌自請嚴議之處。著加恩寬免。餘依議。

恭親王等又奏。九月十八日。准軍機處鈔出署三口通商大臣成林奏。日本差官到津各情形一摺。奉

旨。該衙門知道。欽此。查日本國於同治元年。即搭生荷蘭商船來上海貿易。藉口中國商人曾在該國採辦銅斤。欲援上海無約小國章程。在滬通商。設領事官。三年四月。人以英領

事已夏禮為介。攜帶貨物來滬貿易。七年三月。又准英領事溫思達。呈送日本託帶文書一匣。大意仍求通商。是該國覬覦與中國通商。已非一日。本年九月初六日。據署三口大臣成林。致臣衙門函稱。初七日日本差官柳原前光等來署會晤。禮貌恭順。言詞謹馴。詢其來意。據稱奉該國外務卿之命。齎送總理衙門信件。必須親自赴京投遞等語。臣等當覆以向來各國差官到津。均應由三口大臣衙門詢明緣由。酌量辦理。不遽令其來京。此次日本差官到津。應仍查照舊章。如該差官等堅請進京。必須設法阻止等語。去後。旋於十四日。據成林復稱。日本差官進京之舉。

經成林詳切開導。已允中止。並將該國書玉原件專送到
臣衙門。臣等公同閱看。大意專在通商。但文內有他日定
條約之地一語。是該國亦欲與泰西各國一律辦理。臣等
悉心的數。泰西各國既准通商。該國與中國尤為鄰近之
邦。自難以視。正覈辦間。復接據直隸總督李鴻章玉稱。日
本距蘇浙僅三日程。精通中華文字。其甲兵較東島各國
差強。現以英法美諸國受其欺負。心懷不服。而力難獨抗。
中國正可聯為外援。勿使西人倚為外府。宜先通好。以冀
同心協力等語。是該國之欲與中國通商。自必俯如所請。
爰給與該國照會。允其將來可以奏請通商。但彼此相信。

不必立約。臣等之意。准其通商。以示懷柔之意。不允立約。可無要挾之強。將來能否阻其立約。原難豫必。目前且以此為詞。以杜其要求之漸。已於十九日將所給該國照會。專遞至三口大臣成林。由該大臣轉交。俾該國差官等傳以及早回國。旋於二十日。接據成林送到照繕柳原前光等呈遞條約底本。其意仍在立約。並於二十一日。復准李鴻章函稱。該委員呈請立約。蓄志甚堅。所欲甚大等語。查臣衙門既與該國外務卿等照會。告以彼此相信。不必更立條約之言。自應仍執前議。由成林李鴻章等。向該委員等婉為開導。儻勢難阻止。應告以底本暫存中國。俟有大

臣來華。公同商辦。一面將條約底本。自行詳細妥酌。以便
日本國派有大員前來。再行相度機宜。妥酌辦理。

御批依議。

日本國信玉

大日本國從三位外務卿清原宣喜。從四位外務大輔藤
原定則等。謹呈書

大清國總理外國事務大憲臺下。方今文明之化大開。交際之
道日盛。宇宙之間。無有遠邇矣。我邦近歲與泰西諸國互
訂盟約。共通有無。況鄰近如中國。宜最先通情好。結和親。
而唯有商舶往來。未嘗修交際之禮。不亦一大闕典也乎。

曩者我邦政治一新之始。即欲遣欽差公使修盟約。因內地多事。遽延至今。深以為憾焉。茲經奏准特遣從四位外務權大丞藤原前光。正七位外務權少丞藤原義實。從七位文書權正鄭永甯等。於中國豫前商議通信事宜。以為他日我公使與中國定和親條約之地。伏冀貴憲臺下款接右官員等。取裁其所陳述。謹白。

給日本國照會

為照會事。同治九年九月十四日。由三口通商大臣。轉遞到貴國從四位外務權大丞柳原前光等帶來信。至備陳商議通信事宜。意欲與中國通商。修交際之禮。為他日定

條約之地。竊查同治元年。據上海道稟稱。貴國頭目助七郎等八人。帶領商人十三名。攜有海菜等物。來上海貿易。迨三年四月。貴國官錫次郎等。復攜帶貨物數種。在上海貿易而回。足徵中國與貴國。久通和好。交際往來。已非一日。緣貴國係鄰近之邦。自必愈加親厚。貴國既常來上海通商。嗣後仍即照前辦理。彼此相信。似不必更立條約。古所謂大信不約也。惟於貴國貨物到上海時。先行通知上海道。驗貨納稅。兩無欺蒙。自可行諸久遠。似較之泰西立約各國。尤為簡便。此乃中國與貴國格外和好親睦之意。諒貴國必洞悉此情也。

恭親王等又奏。竊照同治九年五月三十日奉

旨。三口通商大臣兵部左侍郎崇厚著充出使大法國欽差大臣。欽此。嗣經該大臣卸事來京。緣天津一案。尚未就緒。勢難率爾起程。現在此案將次完結。該大臣自應遵

旨前往。以昭信義。惟此行遠涉重洋。往返十數萬里。需時既久。費用綦繁。該大臣本身所需資斧。據稱身受

重恩。理應報效。均由自備。不敢有費。

帑需。至隨帶文員武弁。以及書識丁役。人數眾多。所有整裝薪水盤費。工食紙張等項。係屬辦公所用。並有奏明隨往洋員。尤應稍優。給予俸薪。大致仿照前次志剛等出使之

例辦理。臣等公同商酌。擬請

飭下署理三口通商大臣成林。即在該大臣崇厚節省天津八分經費存餘項下。撥銀五萬兩。交該大臣自行攜帶。以資前項開支。並免造冊報銷。用歸簡易。所有臣等擬請指撥經費緣由。謹繕摺具陳。

御批依議。

庚寅。閩浙總督兼署福建巡撫英桂總理船政前江西巡撫沈葆楨奏竊。臣等承准軍機大臣密寄。同治九年七月二十二日奉

上諭。現在閩滬兩廠輪船。次第告成等因。欽此。仰見

聖主勤求武備。綏靖海疆之至意。凡內外臣工。宜如何上念宵衣旰食之勞。以共矢膏膽臥薪之志。臣沈葆楨先因輪船分布各口。非有大員統領。恐遇事調合一處。聲氣隔閡。孰令參差。業經會同臣英桂。並陝甘督臣左宗棠。福州將軍文煜。恭摺奏請。

簡派輪船統領。並查福建水師提督李成謀。堪以勝任。附片密保在案。伏維圖自強之道。卽以籌制勝之方。島族海上縱橫。所恃者在善用輪船。精習火器。今閩滬設廠分造輪船。天津設局專製槍礮。

朝廷深謀遠慮。圖自強而籌制勝者。至周且備。然不慎選統

將乘時訓練。則駕駛不善。技藝不精。設遇外侮猝來。何以制強敵而操勝算。是出洋操練。洵當務之急也。臣英桂於所轄水師員弁。有長於海戰。諳習沙綫風雲者。皆隨時物色存記。置之沿海。明試以功。豫為干城之選。其通曉輪機之學。熟於駕駛者。臣沈葆楨自蒙

簡任總理船政以來。即廣為採用。通輪機者。派令管輪。熟駕駛者。委以管駕。人材以揆羅而疊出。從事由鼓勵而漸興。現在閩省各輪船。僅長勝船內。向雇有洋人一名。擬即擇人更易。此外均係中國人駕駛。無一洋人在內。臣等欽奉

諭旨後。各就所知。互相參酌。謹臚列清單。出具切實考語。恭呈

御覽。除遊擊以上各員。職分較大。恭候

擢用外。其都守千把及軍功人員。並於清單內酌擬獎敘。可否仰

乞

通格恩施。分別給獎。俾資觀感之處。出自

聖裁。臣等仍當與水師提督李成謀留心採訪。如有可保薦者。隨

時奏保。所有出洋操練事宜。俟奉

簡派輪船統領。卽由臣等與統領大員會議章程。選調員弁兵勇。

分配各輪船常川訓練。至應需槍礮。宜後膛安鉛藥者。方

能及遠。且施放靈速。先經臣英桂會商前撫臣卞寶第。飭

令候補副將賴長。仿照洋式製造。業據造就熟鐵礮二門。

熟鐵槍十桿。均係後膛安鉛藥。並經臣英桂親詣勘驗。其式樣精巧。與洋槍礮無異。現擬另行設廠。籌款專製。以備撥用。總期輪船駕駛日熟。兵勇技藝日精。作其同仇敵愾之忱。以收众志成城之效。

諭軍機大臣等。英桂、沈葆楨奏酌保水師人才。開單呈覽一摺。輪船現既次第告成。必須有長於海戰。熟於駕駛。及諳習沙綫風雲。通曉輪機之人。方足以資得力。茲據英桂等酌保總兵黃聯開等七員。及遊擊貝錦泉一員。以備擢用。並將把總吳錫章一員。及都司吳世忠等十六員。分別請獎。均著照所請給予獎勵。該員等尚未著有勞績。此次破格給獎。藉資觀感。英桂、沈葆楨

務當督飭各該員等實力講求以資驅策。國家不惜數百萬帑金創製輪船。原以籌備海防。期於緩急足恃。現在已成之船。必須責成李成謀督率各員弁駕駛出洋認真操練。技藝愈精。膽氣愈壯。方足備禦侮折衝之用。至所稱揀調弁兵。分配輪船。常川訓練之處。即著會議章程。迅速具奏。需用槍礮等件。亦當悉心講究。認真製造備用。

辛卯

諭軍機大臣等。前因天津民教啟釁。疊諭沿江沿海各省督撫嚴密設防。現在天津一案業已辦理就緒。亦以時事多艱。不得不將就完案。以弭釁端。不可因此案完竣。即置防務於不問也。近

來內外臣子。往往遇事機危急。非不盡心竭力。以期共挽時艱。而泄沓成風。未事之先。於一切戰守章程。類皆紙上空談。以致遇有緩急。毫不足恃。迨事過之後。則又因禍患已平。苟且因循。為目前偷安之計。事事有名無實。何時可冀自強耶。朝廷宵旰焦勞。隱憂備切。著沿江沿海各省將軍督撫大臣。振刷精神。將戰守機宜。認真講求。以備不虞。至各省武備廢弛已極。綠營習氣尤深。並著各將軍督撫大臣。破除情面。認真整頓。以期一兵得一兵之用。經此次訓諭後。務當實事求是。嚴密設防。毋再視為具文。至各省民教交涉事件。亦應處處持平。不可專顧一面。若地方官操縱合宜。剛柔互濟。自可消患未萌。著各直省將軍

督撫府尹。於所屬州縣地方官。務須選擇有風骨而又通曉事務之員。遇教士非分之求。不得曲為遷就。遇條約應辦之事。亦當妥為撫綏。庶中外相信。不致再滋事端。

總理各國事務恭親王等奏。竊查天津民教滋事。被毀天主仁慈各堂。及被戕領事商人教士多名。前經臣等於津案初起時。議定辦照會法國使臣羅淑亞。緝拿兇手。外有賠償撫卹兩款。嗣因兇手一層。未得就緒。無從議及賠償等款。茲於各犯議結後。經臣等與該使臣等面議各款。得有端緒。於本月十八日。接據羅淑亞照會。內稱天津五月二十三日。各處所被搶毀之天主堂。領事署。仁慈堂。及商

人財物合計銀二十一萬兩。又據單開被戕各口議明共需撫卹銀二十五萬兩等情。卽由臣衙門行文戶部酌定指撥。旋據戶部覆稱。賠償法國銀二十一萬兩。現有天津關六成洋稅銀十萬兩。八分經費節省銀五萬兩。洋商釐捐銀六萬兩。據三口通商大臣咨報。均係實存之款。自可指撥。其法國撫卹銀二十五萬兩。擬於江海關洋稅項下指撥銀十五萬兩。粵海關洋稅項下指撥銀十萬兩等因。前來。當經照會法國使臣。並以法國單開被戕各口內有英國義國女修士各一名。比國二名。均由法國轉給。並開明卹銀數目。均在二十五萬兩之內。其俄國被戕三名。亦

經照會俄國使臣。給卹銀三萬兩。由臣衙門行文戶部酌定撥給。此外尚有被毀英美各教堂。已據英國使臣威妥瑪照會。聲明由天津英領事申請直隸總督覈辦。美國教堂。應一併由該督覈辦完案。臣等查法國償卹各款。既經議定。自應早為撥給。現因法國使臣照會。請給憑據收領。除由臣衙門分別行文。並備文交法國使臣派員持領各款外。相應請

旨飭下直隸總督李鴻章署三口大臣成林署上海大臣魁秀兩廣總督瑞麟。查照前項指撥銀兩。於法國使臣派員持齎臣衙門文件前往時。照數撥給。以完此案。至俄國卹銀三

萬兩。正繕摺開。准戶部覆稱。此項擬於天津關洋稅項下
撥銀三萬兩等語。應請一併

飭下李鴻章。成林遵照辦理。

御批依議。

辨夷務始末卷之七十七